

ideo etiam cum ratione exercetur, neque citra rationem est ad virtutem naturalis impulsus: neque rursus ratio, atque delectus admodum perficitur, vt sit virtus circa impulsum naturale. Ideo non recte Socrates sentiebat, cum diceret virtutem esse rationes. Proficeret siquidem nihil, agendo fortia, atque iusta, qui nesciret, ac rationi non proponeret. Et proinde virtutem rationem esse, non recte aiebat. Melius nunc alijs. Nam iuxta rectam rationem honesta agere, virtutem esse perhibent. At ne ita quidem recte. Aget siquidem quispiam iusta, nullo proposito honestorum, nulla cognitione, sed irrationali aliquo impulsu. Recte verò ita, & iuxta rectam rationem: ita inquam, sicut recta iusserit ratio, ita agat. Ceterum huiusmodi tamen actio neutiquam sub laudem cadit. Sed melius, vt nos definimus, cum ratione impulsum esse ad honestatem. Hoc namque virtus, etiamque sub laudem cadit. Vtrum prudentia virtus, an non? ambigere nanque quispiam potuerit. Verum enim uero hinc, esse virtutem, certum fuit. Nam si institia, & fortitudo, ceteraque virtutes, quod honestorum, quæ sub actionem cadant, laudabiles accidentant, non dubium quia prudentia quoque eorum sit, quæ sub laudem cadunt, quæque in virtutis ordinem veniunt. Nam ad quæ fortitudo agenda impellit, in eadem etiam prudentia: in totumque, vt ipsa prescribit, ita etiam agit fortitudo. Proinde si hac sub laudem cadit, ea faciendo quæ prescriperit prudentia, etiam sine controversia, prudentia sub laudem cadit, virilisque est. Vtrum prudentia sub actionem cadit, an non? licuerit hinc nosse cuius, spectando scientias, quemadmodum ædificaturam. Est nanque in ædificatura, vt diei solet, unus quidem quispiam architecton Græcæ, (quem nos architectum nominamus) cui subministrat se Ædificator: is domus est effector. Est sancte architectus, effector, cuius præscriptio ad domum extuendam se faber accingit. Idem in reliquis effectiis habet, in quibus est architectus, & eius minister faber, & architectus erit, & huius ipsius faber, ac minister. Si igitur eodem modo etiam in virtutibus habet, (quod æquum, ac rationi consentaneum) etiam prudentia sub actionem cadit. Quandoquidem virtutes omnes sub actionem cadunt, quarum prudentia tanquam architectus quidam est:

ποιητική γένεσις πάσαι πραγμάτων εἰσιν. οἱ φεύγοντες, οἱ πατερίτες εἰσιν.